

CLIDRO, ROBIN (fl. 1580), clerwr

Enw: Robin Clidro

Rhyw: Gwryw

Galwedigaeth: clerwr

Maes gweithgaredd: Perfformio; Barddoniaeth

Awdur: Thomas Parry

brodor o Ddyffryn Clwyd, medd rhai. (Y mae lle o'r enw Cludro ym mhlwyf Llangefni ym Môn.) Canai gerddi ar destunau digrif, fel marwnad i'w gath, hanes ymweliad â Llwydlo, disgrifiad o bysgotwyr. Y mae'r cerddi hyn yn llawn o gellwair, a hwnnw'n fras yn fynych. Defnyddiai fesur nas ceir ond gan raddau isaf y beirdd, ac nas defnyddid, y mae'n ymddangos, i ganu dim difrif, sef amrywiad ar y gyhydedd hir, gyda chynghanedd ysgafn rhwng y trydydd cymal a'r pedwerydd. Canodd **Siôn Tudur** farwnad iddo ar gynghanedd anafus fel a ddefnyddiai Clidro 'i hun, ac yn ei theitl dywedir iddo gael ei ladd gan ladron yn y Deheudir. Ond dylid cadw mewn cof y geill mai marwnad gellweirus i ddyn byw ydyw.

Awdur

Syr Thomas Parry, (1904 - 1985)

Ffynonellau

Geirlyfr Bywgraffiadol o Enwogion Cymru (1870)

Canu Rhydd Cynnar (1932), cxvii, 146-66

T. Gwynn Jones, *Llenyddiaeth y Cymry llawlyfr i efrydwyr* (1915), iii, 69

Cennard Davies, *Robin Clidro a'i ganlynwyr* (1964)

Darllen Pellach

Erthygl Wicipedia: [Robin Clidro](#)

Dolenni Ychwanegol

Wikidata: [Q7352324](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

LGC
NLW

LLYFRGEL
THE NATION



Ysgrifeddiadau
Llywodraeth Cymru
Copied by
Welsh Government